

欽定八旗通志

(36)

欽定八旗通志卷二百十

人物志九十

忠義傳二

滿洲八旗二

崇德年中共九十三人

訥爾特

訥爾特滿洲鑲黃旗人姓馬佳氏以騎都尉從征
錦州明兵據松杏兩山旌旗壁壘甚盛訥爾特揮
兵奮擊尋征大同攻小石城拔之累遷副都統刑
部侍郎崇德時從太兵南下征山東奉

命攻武定州城堅不可破指揮先登尅日而下後與明吳
總兵戰奮勇深入死之

詔贈三等輕車都尉

承襲詳見
世職表

務爾格

務爾格滿洲鑲黃旗人姓鈕祜祿氏世居長白山
地方忠義公圖爾格之長子也崇德二年三月從
奉命大將軍恭順王孔有德征皮島率舟師渡海
先入戰歿於陣

恩賜騎都尉世職

承襲詳見
世職表

阿哈尼堪

阿哈尼堪滿洲鑲黃旗人姓鈕祜祿氏額亦都巴

圖魯之孫也

太宗文皇帝時任侍衛兼護軍叅領於崇德三年十一月

從貝勒多鐸前往中後所助和碩鄭親王濟爾哈

朗將過北京遇明總兵祖大壽率兵來拒阿哈尼

堪奮勇力戰歿於陣

賞卹如例

朝哈爾

朝哈爾姓鈕祜祿氏果毅公額亦都巴圖魯第三

子少隨

太祖高皇帝征討天命六年

恩賜備禦九年同諾海等八大臣略明地師旋陞護軍統領崇德三年九月從征明未入關時遇明哨兵追擊至關生擒蒙古二人獲馬四匹至北京於城北

奪敵紅衣礮遇敵兵百餘人率護軍敗之又敗其步兵蘆溝橋

特授爲議政大臣

太宗文皇帝特諭云今特簡用爾爲議政大臣者因爾一心爲主盡力効忠故耳凡國家要務必抒誠辦理是年從揚武大將軍多羅貝勒岳託征明由北京抵山東敗明內營兵至趙北口明兵壞橋拒守我兵不得渡率兵自河西襲破之又敗河間兵拔任邱縣

出關時獨殿後至太平寨大敗敵人捷

聞以該軍統領兼禮部叅政七年從圍錦州遇城內兵出
戰奮呼衝壁遂歿於陣年四十一歲

太宗聞之甚傷悼諭曰朕本欲用朝哈爾爲一等大臣不
意今已戰亡遣大臣迎其靈輓進城卹卹爲二等輕
車都尉令其長子格黑里承襲復

賜葬銀五百兩遣官讀文致祭順治十二年十月

世祖章皇帝念朝哈爾忠貞贊勳勤勞王事歿於軍旅

特加恩卹謚爲果壯追贈一品勒碑墓前以昭殊勲焉

巴林

巴林滿洲鑲黃旗人姓瓜勒佳氏世居蘇完地方
崇德三年從揚威大將軍多羅貝勒岳託由北京
征山東以雲梯攻深州城奮勇先登力戰陣亡

恩賜雲騎尉世職

承襲詳見
世職表

公袞

公袞滿洲鑲黃旗人世居馬佳地方以地爲姓初

襲一等輕車都尉世職緣事降爲騎都尉崇德四年七月從曹海沙木什哈征黑龍江擊其將杜俄臣兵力戰陣亡

賞卹如例

瑯圖

瑯圖滿洲鑲黃旗人姓費莫氏世居薩齊庫地方兵部叅政伊勒慎子初以驍騎校管佐領事崇德四年七月隨曹海沙木什哈征黑龍江杜俄臣率

兵四百來援瑯圖力戰陣亡

恩賜騎都尉世職

承襲詳見世職表

旦岱

旦岱滿洲鑲黃旗人姓伊喇理氏世居葉赫地方
初任護軍叅領崇德元年率護軍取安肅縣城克
之論功授雲騎尉四年三月同贅拜巴圖魯率護
軍沿錦州城馳略獲馬十四匹羊一百七十隻殺
二十人而還五年十月論功陞騎都尉六年五月

從大兵取錦州以步戰擊明經略洪承疇援兵力

戰陣亡

恩賜一等輕車都尉世職

承襲詳見世職表

喇都渾

喇都渾滿洲鑲黃旗人姓馬佳氏世居馬佳地方

天聰八年隨大兵征明大同敗敵有功九年大兵

往收察哈爾遺民喇都渾追敵哨卒生擒人崇

德元年隨和碩英親王阿濟格征明奉命往祝山

海關形勢卽於中後所埋伏當先擊敵生擒執事
一人敵兵來襲我後同席特庫擊敗之追錦州敵
哨斬一人又於中後所同努山徼巡遇敵哨生擒
一人五年大兵圍錦州隨左翼兵進擊先衆衝入
先是其兄翼袞陣亡喇都渾遂承襲其騎都尉世
職六年五月從大兵圍錦州同吳拜捉生遇敵古
兵十六人斬其二人力戰而歿

恩賜騎都尉加一雲騎尉世職

承襲詳見
世職表

覺羅薩哈連

覺羅薩哈連滿洲鑲黃旗人崇德六年五月山間
散隨大兵征明圍錦州明經略洪承疇率兵十三
萬來援薩哈連奮勇進擊陣亡

賞卹如例

巴吉

巴吉滿洲鑲黃旗人任驍騎校崇德六年五月隨
大兵征明圍錦州大敗明兵明經略洪承疇率兵

赴援拒敵於松山巴古力戰歿於陣

賢卹如例

巴圖

巴圖滿洲鑲黃旗人姓瓜勒佳氏世居哈達地方
於崇德八年九月隨和碩鄭親王濟爾哈朗征寧
遠奮勇力戰陣亡

恩賜騎都尉兼一雲騎尉世職

承襲詳見
世職表

固山

固山滿洲正黃旗人姓哲爾德氏世居界凡地方
初任佐領天聰三年從大兵征明過北京於大紅
門步戰登山自上而下擊涿州援兵敗之追殺甚
衆崇德元年十二月

太宗文皇帝大兵征朝鮮次沙河堡東岡

命和碩睿親王多爾袞等分兵從寬甸路入長山口固山
從焉二年正月取江華島奮勇力戰歿於陣

恩賜騎都尉世職

承襲詳見
世職表

阿紐

阿紐滿洲正黃旗人姓寧古塔氏世居和克佟吉
地方以佐領鎮守寧古塔崇德元年十二月從

太宗文皇帝大兵征朝鮮二年二月戰於南漢山城陣亡
賞布帛卹其家

達蘭

達蘭滿洲正黃旗人姓瓜勒佳氏世居蘇完地方
國初來歸大聰三年從大兵征明攻永平遵化城先